

Lög Alþýðusambands Norðurlands

1. grein.

Sambandið heitir Alþýðusamband Norðurlands, skammstafað A.N. Heimili þess og varnarþing er á Akureyri.

2. grein.

Starfssvæði sambandsins er Norðurland.

3. grein.

Hlutverk sambandsins er að vinna að alhliða hagsmunum aðildarfélaganna og félagsmanna þeirra.

4. grein.

Tilgangur sambandsins er að öðru leyti:

- a) að efla umræðu um málefni sem varða búsetu, atvinnu, menntun og lífskjör íbúa á Norðurlandi.
- b) að beita sér fyrir aukinni fræðslu almennings á hlutverki stéttarfélaganna.

5. grein.

Öll stéttarfélög sem alveg eða að hluta starfa á sambandssvæðinu geta, fyrir hönd þeirra félagsmanna sem á sambandssvæðinu starfa, orðið félagar sambandsins, ef þau gangast undir lög þess að fengnu samþykki 2/3 hluta sambandsfélaga. Innganga nýrra félaganna skal vera á reglubundnu sambandsþingi.

6. grein.

Skylt er hverju sambandsfélagi að skuldbinda meðlimi sína til að virða lög og samþykktir annarra sambandsfélaganna á starfssvæði þeirra.

7. grein.

Æðsta vald í málefnum sambandsins er í höndum þings Alþýðusambands Norðurlands. Þingið ákveður gjöld sem sambandsfélögin skulu greiða til sambandsins, leysir úr ágreiningsmálum milli sambandsfélaganna og getur beitt einstök sambandsfélög agaviðurlögum. Þó skal tillaga um brottvísun sambandsfélags ekki ná fram að ganga nema hún hljóti a.m.k. 2/3 hluta atkvæða.

8. grein.

Hvert sambandsfélag hefur rétt til fulltrúa á sambandsþingi sem hér segir: Fulltrúar á AN-þingi verði 100 sem skiptast á milli aðildarféлага eftir fjölda félagsmanna skv. skýrslu til ASÍ um félagsmenn frá árinu á undan. Ef upp kemur sú staða að eitthvert félag fái engan eða einn fulltrúa verður viðkomandi félagi tryggðir að lágmarki tveir fulltrúar sem komi til viðbótar áður nefndum fulltrúafjölda, þannig að öll félög hafi rétt á að senda að lágmarki tvo fulltrúa. Tala varafulltrúa fer eftir sömu reglum. Í fundarboði skal koma fram hver fjöldi þingfulltrúa er hverju sinni.

Með félagsmönnum í grein þessari er átt við þá félagsmenn sambandsfélags sem greiða félagsgjöld á sambandssvæðinu.

9. grein.

Þing Alþýðusambands Norðurlands skal halda annað hvert ár, á tímabilinu frá 1. september til 30. nóvember, ef sérstakar ástæður eru því ekki til fyrirstöðu. Skylt er stjórn að tilkynna sambandsfélögum um þingið bréflega með minnst eins mánaðar fyrirvara.

Þingboði skal fylgja dagskrá þingsins og helstu tillögur, sem stjórn hyggst leggja fyrir þingið, ásamt tillögum að lagabreytingum. Tillögur einstakra sambandsfélaga skulu, sé þess kostur, sendast stjórn minnst tveimur vikum fyrir þing.

Stjórn ákveður þingstað.

10. grein.

Kjörgengi fulltrúa er bundið því skilyrði, að þeir séu fullgildir félagsmenn viðkomandi félags.

11. grein.

Sambandsþingi skal stjórnað samkvæmt almennum þingsköpum. Þingfundur er lögmatgur, ef fullur helmingur þingfulltrúa er mættur.

12. grein.

Stjórn sambandsins skal kosin á sambandsþingi til tveggja ára í senn og skal hún skipuð sem hér segir:

Formaður, varaformaður, ritari. Þessir 3 menn skipa stjórn sambandsins. Þá skal kjósa þrjá varamenn. Þingið kys ennfremur tvo skoðunarmenn reikninga og einn til vara.

Gæta skal þess að einn stjórnarmaður komi úr Þingeyjarsýslum, einn úr Eyjafirði og einn úr Norðurlandi vestra, sama gildir um varamenn.

13. grein.

Á hverju reglulegu þingi skulu lagðir fram reikningar sambandsins fyrir undangengin 2 ár til afgreiðslu, skoðaðir og undirritaðir af félagslegum kjörnum skoðunarmönnum sambandsins.

Reikningsár sambandsins er almanaksárið.

14. grein.

Á tímabilinu milli þinga boðar stjórn til fulltrúaráðsfunda, þegar hún álítur það nauðsynlegt. Fulltrúaráð skal þó að lágmarki koma saman annað hvert ár. Það ár sem ekki er haldið reglulegt þing. Hverju sambandsfélagi er heimilt að senda að hámarki 3 atkvæðisbærra fulltrúa til fulltrúaráðsfunda. Sambandsfélagi er þó frjálst að senda, á eigin kostnað, fleiri fulltrúa, sem hafa þá aðeins málfrelsi og tillögurétt. Atkvæðavægi á fulltrúaráðsfundi ræðst af vægi atkvæða félaganna á næstliðnu sambandsþingi.

15. grein.

Lögum þessum verður aðeins breytt á reglulegu sambandsþingi, og þurfa lagabreytingar að hljóta stuðning 2/3 hluta þeirra, er atkvæði greiða.

Samþykkt á 33. þingi A.N. 5. október 2013.